

D’Riada - Rud

Rudenkirtag Sierning Faschingdienstag 13.2.2018



<p>Griaß eich Gott, liebe Leit mächts uns Riada de Freid, sollts de Eawaschl spitzn, und in Wein net spritzn. Mir haum läng spioniert, wer heit ångsunga wird, hättn Stoff mehr wia gnua, leicht bis morgn in der Fruah!</p>	<p>Mir håbm vü diskutiert wie des min Landler heier wird Weil des Tånzn is g´fährlich, kriagst a. Anzeige já ehrlich. Derfst zan Mensch net umiglenga Belästigung dans des glei nenna. drum greif ma d´Menscha gâr net ån das Sexuell nix sein kån</p>
<p>Die neiche Bezirksbauernkammersekretärin, liebt den Sport - des måcht Sinn. die Zicker Gabi geht gern laufn tuat sie an Pulsånzeiger kaufn. Jå sie radelt wia varuckt, daß ihr d´Augn fåst aussadrukt. und geht ihr d´Kråft beim SportIn aus schlåft sie auf da Kåmmer aus</p>	<p>Da Thånner Sepp es kenntzn eh, is a Handy Koryphæ Do neilich is eam wås passiert, håms sogar greedt.- bei uns in Riad. Will zan Ståmmtisch Foto schicka, tuat dabei sich årg verklicka. Va seiner Frau de wår gånz nackig, måcht já nix, is eh nu knackig.</p>
<p>Da Bråndner Håns, a braver Månn singt bei da Messara Rud ån, is a guater Reiseleiter bei de Obstbaun wia koa zweiter, bumm voll kriagt er jedn Bus, vü zvü Leit - sand´s zum Schluß draufzåhln tuat hålt sei Frieda ban hintnåchifåhrn wieder</p>	<p>Neilich ban Bråuer in da Fruah, bleibt über nåcht a junger Bua Muaß in da FriaH aufs Håusl flitzn, siacht d´Schwigamuatta gâr net sitzn. Da junge Bua hat nix ån, pudlnåckt der fesche Månn. d´Martina is gånz leise gwen, håt schon läng nix stehats gseng.</p>
<p>Wüllst im letztzn Jåhr auf Sierng kunnst scho gleich an Anfåll kriagn, überåll san d´Stråßn gsperrt, wos´d ah fåhrst, es is vakehrt! Endlich is des ålls vorbei, Sierning is barrierefrei, auf Ibay gibts va der Gmoa in åltn Lipa seine Stoa!</p>	<p>Moldnstaudn, Distln, hålbe Ross hektarweis und riesngroß, stengan hintern Hamet draust, wånnsd vorm Depot auf d´Seitn schaut, s´gånze Haus fållt scho zaum, doh mir nennan eich koan Nåm, unsare Ferndiagnose Chronische Tachinose</p>
<p>Unser Lånd bringt er auf Schwung, eingspårt wird rund uma dumm. Kunst und Kultur - mecht er streichen, will an Budget-ausgleich erreichen. Der neiche Låndeshauptmånn streicht uns ois wo er nur kån. Bist rudenmåßig unerfåhrn den Liter kånst da heit net spårn.</p>	<p>Oh heiliger Sebastian - Kurz - beschütz net nur de Zwetschkenbam solche blaue Burschenschåftn kinn ma wirkli net vakrånftn tat´s liaba Kirchnliada proben hilft eich im Himml sicha oben. und wolln´s eich dort - a nimmer kints im Chor ban Sperker singa!</p>

D' Riada - Rud

Rudenkirtag Sierning Faschingdienstag 13.2.2018

<p>Ban Schâdn in Hüban is so gwen, Goldne Hochzeit is a Segn. De Kuntna Leit dann des begiaßn, do ba da Christl wird's zan biaßn. mit Champanija und Wodka wird de Christl richtig locka. In da Kuchi håt sies gschmissn, sågt da Hund håts niedagrissn.</p>	<p>d'Forsthofwirtin kennt's es eh håt g'håbt vor kurzen a OP d'Hüftn håbm's ihr wieder gricht mei des geh'n is hiazt a gschicht sie håt glei - spekuliert obs hiazt in d'Schönheit investiert do in Reini is es wichtig im Bett geht's endlich wieder richtig</p>
<p>Mögen bei uns doch dieses Jåhr ausbleibm Sturm und Bråndgefåhr schütz uns vor åll'm wås mia net woll'n vor Hitze Pest - AMA Kontrolln Hochwåsser Hågel spåda Frost sunst gibt's koa Troad koa Hei koan Most verschone uns o Herr von åll'n die koa Schweinefleisch - woll'n</p>	<p>Haum eich håufti Neichs bericht weil mir fürchtn koa Gericht, is heit wer auf Nådln gsessn und mir håm auf eahm vagessn, kimmt nexts Jåhr wieda a Kirda, mit an Tånz va de Riada, åber heit san ma am End, weil uns d'Gurgl scho so brennt!</p>